

7

Regierender hie des Reichs zu Edom
 Was ein gewaltiger künig by syner zyt
 genant Quelkeres Caser der heet by Im
 eynen woyßen schriftgelereten man der was ge
 heysen Herofias dyser was ein em fuerst der
 erzt durch sin hohe kunst der artzeny enzfung
 er von dem künig hohen solt vnd ersamen standt
 Vff em zyt ward dem künig ein buch geschickt
 dar in stand vnder anderent geschriben in Indisch
 er zungen also Wan es sint in India hohe berge
 daruff wachsen etlich parom vnd kröutter
 wer die erkennt vnd Confiert nach te gestalt
 So würt daruff em Artzney mit der die toden
 mit gottes verhengnuß lebendig werden ge
 macht. Der künig begreut dyser sage warheit
 zu befinden vnd gepott Herofiam synem
 artz das er durch sin erfuchung dem gedecht
 nach zu kōmen. So wolt er in dartzu mit
 gold vnd silber verlegen vnd in fürdrung
 thun an die künig von India. Der yglichen
 // gab Herofias von synem herren bracht als gewon
 heyt ist den Archtigen herren emander zu
 schicken. Solch brief vnd gaben wurden von
 dem Herofien yglichen künig überantwort
 die sich willig in der werbung vnd te woysten
 von den höfen vnd landen in zu zu geben er
 potten. In dysem furnemen arbeyt sich bero
lias 3 wolff monat. Vnd pracht zu samen
 von allen paromen vnd kröutteren mit vermisch
 ung der Apotekischen dingen vnd macht dar
 uff em Electuarj alles nach vßwoysung des ge
 melten buchs. vnd versach sich do mit die toden
 zu erquicken. Vnd do das mit sin mocht. Da